

S LO

Afl. 1.25

BRIYANDO FUERTE • TRECIENDO CLARIDAD
DIARAZON 14 FEBRUARI 2024

Di Pueblo



Feliz Dia di San Valentin



WWW.SOLODIPUEBLO.COM



SOLODIPUEBLO@GMAIL.COM

**CASO DI RDA TA
MUCHO MAS PEOR
CU ARUBAHUIS;
HENDENAN
PROMINENTE DI AVP
A HORTA 21 MIYON
FLORIN. CON A PARA?**



**EX MINISTER
PLENIPOTENCIARIO GUILFRED
BESARIL DETENI DEN
INVESTIGACION DI ARUBAHUIS**



**TOYOTA YARIS A BIRA DILANTI
UN OPEL ASTRA CAUSA UN
ACCIDENTE UNDA PERSONA A
KEDA KEDA Y PEGA DEN AUTO**



**DEN GRAN FORMA ARUBA A CULMINA E
CELEBRACION DI CARNAVAL 70**



CASO DI RDA TA MUCHO MAS PEOR CU ARUBAHUIS; HENDENAN PROMINENTE DI AVP A HORTA 21 MIYON FLORIN. CON A PARA?

Ningun hende por ta contra di investigacion riba corrupcion. Corrupcion ta algo malo y cu ta wordo haci na forma scondi, pero ora cu e señalnan yega na superficie, mester wordo investiga, proba y husga dor di huez.

Den e caso aki nos ta bati alarma pa e robo miyonario di Partido AVP y su personahenan prominente, kendenan a horta 21 miyon florin di pueblo y hinca den nan saco.

Un miembro di partido AVP a graba un video, y

a cobra 99 mil florin pa UN video. Esaki ta MAS placa cu tur acusacion hunto contra Besaril. Anto Besaril ta wordo persigui y investiga, cual ta corecto, pero unda esnan di RDA a keda? Ken tin man poni riba e ladronnan di placa di pueblo?

Compania di mercadeo di AVP cu a haya exclusividad, tambe a haya 1 miyon florin sin hasi ningun trabao. Otro compania di Alpen a cobra 5 miyon y ora a bay check, a haya dos container di 20 pia, yena cu porkeria y sushedad.

Otro compania a cobra miyones pa ganja di hasi



limpiesa. Otro miyones pa ganja huur un generator pa 50 mil paluna. Otro atraha, sin presenta na trabao y a entrega su horarionan telefonicamente na su antoho. No tabatin

administracion! Mescos cu Arubahuis! Unda tampoco tabatin un administacion na ordo.

Pues, SOLO DI PUEBLO ta haci un yamada na

autoridad, na husticia, cu e cos no por ta hancha pa un, small pa otro. Ken tin man poni riba e robo miyonario di 21 miyon florin cu a somenta den Partido AVP?

Parlamentario Darlaine Guedez-Erasmus (MEP):

ARUBA A WORDO BON REPRESENTA DURANTE CONFERENCIA INTERNACIONAL DI 'CHILD AND FAMILY MALTREATMENT' NA SAN DIEGO




profesionalnan. Tur aña mas di 100 pais ta participa na e evento aki. Ta indica y splica e metodonan y investigacionnan mas recien riba casonan di abuso di mucha of diferente sorto di violencia, asina Parlamentario Darlaine Guedez-Erasmus di Fraccion di MEP a duna di conoce.

Tur e cuater diano aki, tabata tin diferente orado pa asina por a duna informacion di diferente angulo riba e tematica importante aki. Pa varios aña caba profesionalnan di Aruba ta asisti e conferencia pa asina keda al tanto di

tur loke ta pasando riba e tema aki y asina por ricibi informacionnan y implementa tur locual cu ta aplicabel y realisabel den nos ley y manehonan.

E aña aki, señora Mr. Alida (Lili) J. Rasmijn-Marval, docente, hurista y escritora di e rapport 'Aanpak huiselijk geweld op Aruba' a haya e oportunidad pa presenta su investigacion haci na Aruba 'Women's experiences of Intimate partner violence in heterosexual relationships in Aruba and the negative health consequences'. Den un sala cu personanan di diferente profesion a duna un resumen di e resultado



di e investigacion. Colega Parlamentario Raymicheline Raymond tambe a haya e oportunidad pa hiba palabra den e sesion aki.

"Aruba ta un pais chikito, pero aki por mira cu e impacto di e investigacion y presentacion tabata grandi riba tur e profesionalnan rond di mundo. Nan por a haci preguntanan y asina por a mira nan

interes ta grandi pa loke ta pasa den Caribe tambe. Como Parlamentario mi ta haya ta importante pa profesionalnan di Aruba keda bay e conferencia aki. Pa medio di e conferencia aki profesionalnan di Aruba a cera conoci cu e concepto di Family Justice Center y cu gobierno a mira e importancia di dje y cu lo cuminsa duna servicio e aña aki", Parlamentario Guedez-Erasmus a declara.

Aruba 13 Februari 2024: Recientemente a tuma lugar na San Diego e di 39 edicion di e conferencia 'Child and Family Maltreatment'. E conferencia aki pa 4 dia largo a brinda e oportunidad pa siña, explora, reflexiona y conecta cu otro

EX MINISTER PLENIPOTENCIARIO GUILFRED BESARIL DETENI DEN INVESTIGACION DI ARUBAHUIS

Ministerio Publico a informa diamars cu Landsrecherche a detene diamars 13 di february 2024 den ora di mainta, ex minister plenipotenciario Sr. Guilfred Besaril den e investigacion cu ta hiba e nomber di "Tulipan" cu ta riguarda iregularidadnan cu a sosode na Arubahuis. E investigacion Tulipan ta dirigi su mes riba iregularidadnan na Arubahuis den e periodo di 2018 te 2021. Duiante e tempo aki, Besaril tabata den funcion como minister plenipotenciario di Aruba na Hulanda.

Nota di redaccion:

E caso aki a cuminsa lora ora cu na Mei 2021 a cuminsa circula e-mail nan anonimo cu tabata conta un cantidad di asuntonan. E momento ey e e-mail nan anonimo a wordo tuma na consideracion pa asina laga haci un investigacion manera debe ser. Cu tempo a bin haya sa cu aparentemente e e-mail nan anonimo a wordo manda pa Eddie Paris cu tambe

tabata ocupa funcion na Hulanda.

Asina cu e gobierno nobo a wordo forma y riba e promer dia di Gabinete Wever Croes II, a pidi Central Accountant Dienst pa haci un investigacion riba e alegacionnan anonimo treci den e-mail. Asina a start un investigacion cu a encera un team grandi di Aruba cu a investiga y por a traha un rapport di constatacion. E rapport aki a keda atendi pa varios departamento manera DRH, etc. y despues Promer Minister di Aruba Sra. Wever Croes publicamente a informa di a entrega e rapport na Ministerio Publico pa verdere onderzoek.

Den transcurso di e trayecto aki, dia 13 di december 2022, Promer Minister a acudi na parlamento cu e rapport y unda Central Accountant Dienst a trece varios informacion dilanti di loke nan a topa cune na Arubahuis.

Por bisa cu ta promer ves cu un promer minister di pais ta hiba informacion parlamento unda cu ta trata di un persona di su mes un partido. Anteriormente Mike Eman no a hiba informacion parlamento ni di Paul Croes ni di Benny Sevinger y menos di e escandalo di corrupcion den RDA unda hendenan prominente di AVP a horta 21 miyon florin. Porcierto ta bon pa puntra: Con a para cu e robo miyonario aki cu AVP a haci den RDA? Nan lo get away with murder? Ta cua man tin poni riba nan cabes? y Dicon?

Corupcion ta algo cu ta wordo haci scondi. Importante ta cu ora e keda descurbi, e wordo investiga pa wordo proba y aclara y pa husticia wordo haci.

Na e momento aki mester bisa cu e caso ta den investigacion y den pleno desaroyo. E investigacion mester determina si tabata tin cosnan cu a sosode intencionalmente pa horta



pais Aruba, of ta cosnan cu administrativamente a wordo haci robes, dor di por ehempel keda sin reken af cosnan di uso personal.

Pa loke ta trata e caso di Arubahuis, por compronde cu ta trata di algun uso di credit card di Arubahuis pa tank gasolin, como tambe algun pago di restaurant, cual sumanan no ta surpasa 20 mil florin. Caso RDA ?

Di otro banda, caso di RDA unda cu prominentenan di AVP a horta placa, tin por ehempel un produccion di un video cu a costa pueblo 99 mil florin.

Un video cu bal mas hopi

cu oro y diamante! Asina tin un proyecto di Alpen cu a costa 5 miyon florin y ora gobierno a cambia a bin haya 2 container di 20 pia, carga cu sushi. Asina tin tambe compania di marketing cu a cobra 1 miyon florin, sin presta servicio, sin contract por escrito, tur cos telefonicamente.


Tambe tin trahadornan cu tabata declara na hora di trabao telefonicamente, sin ningun registro. Pues, e gang di corrupcion di RDA, lo get away with murder? Ta bon pa Ministerio Publico contesta pueblo tambe riba dicho caso.

CAMBIO DEN PRIJS DI PRODUCTIONAN PETROLERO 14 FEBRUARI 2024

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 14 february 2024:

Gasoline unleaded-premium : 245,4 cen p/ltr. (+ 12,4 cen)
Diesel LS : 227,8 cen p/ltr. (+ 14,2 cen)
Kerosin : 210,1 cen p/ltr. (+ 11,6 cen)

E prijsnan ta inclui BBO/BAZV/BAVP



NO POR CERA WOWO P'E 20 MIYON CU A SOMENTA DEN RDA; MUCHO MENOS BISA "BON TRABAO"

Hasi malo muestra bon y bon muestra malo

Nos pais ta hinca den un abismo teribel, unda cierto organisacionnan politico kier persisti pa pinta maldad pa bon, y bon pa malo.

Esaki ta loke ta sosodiendo tur tur dia, unda kier troce circunstancianan, pinta nan malo, pa satisfaccion y oportunidad politico.

Rasonamiento;

Ta imposibel cu den RDA a sosode asina tanto cos for di sla, gastamento y mal gastamento di placa sin limite, sin contract, sin control, sin punch clock, sin timesheets, sin NADA NADA NADA, anto pa un organisacion politico y su voceronan den prensa, pretende cu no tin nada robes y ta elogia y premia e maldad cu a sosode.

Abismo di maldad:

Si apesar cu tin un

rapport forensico cu ta muestra cantidad di delito y violacion, y ainda ta defende e mal practica, ta signal cu nos ta cayendo den abismo di maldad y nos no por rasona mas entre lo husto y inhusto, entre lo corecto y incorreto.

Proyecto Algen 4 miyon, video di Candy 99 mil, cobranza di Terra Group sin limite

E rapport forensico ta muestra riba mas di 100 delito, unda esun di mas grandi ta proyecto Algen, unda esnan responsabel, un tal Koolman, tabata cobra sin control, sin limite, sin timesheets, estilo sky is the limit. E proyecto mes nunca a mira lus di dia, pero algun Venezolano, hopi previligia a sakia RDA, na un manera asqueroso.



Candy Rasmijn ta otro cu a haci trabao di mercadeo, apesar cu RDA tabatin su mes empleada cu ta hasi marketing. A cobra pa traha un video 99 mil florin. Algo totalmente for di sla.

Paskel y su dos companianan, ambos a cobra cientos di miles di florin, sin contract! Transfer di banco tabata

bay riba yamada telefonico. Mike de Meza y Richard Arends

Dos ex minister di Avp ta responsabel mayor cu a permiti y instrui e maldad aki.

Ta yega ora pa Ministerio Publico cumenza atende e robo di mas di 20 miyon cu a somenta!

Un robo miyonario

Pa algun hende sali defende e robo aki, ta pasobra nan mes a haya parti di e bolo. Pa nan sali bisa cu RDA a wordo bon maneha, ta un lastima pe mentalidad putri di nan! Nan a perde consenshi, nan a perde gevoel.

Hamas malo por bira bon!!

ARUBA BANK TA HIBA GANADOR DI SU CAMPAÑA DI MASTERCARD "YOUR CARD, YOUR PATHWAY" PARIS

Oranjestad, Aruba - 13 di februari 2024 - Aruba Bank ta feliz di anuncia e ganado di su campaña di Mastercard "Your card, Your Pathway". Despues di un periodo di campaña emocionante, Sr. Andric Kock a bira e ganador di e gran premio—un biahe di luho pa dos persona pa e ciudad di Paris.

E participacion di Sr. Andric Kock den e campaña "Your card, Your Pathway" a brinda e y un acompañante un

experiencia inolvidabel pa Paris. E premio ta inclui un biahe ida y vuelta pa Paris, un trip cu helicopter over di e ciudad, ofreciendo un perspectiva unico di e lugarnan iconico for di ariba como tambe un tour priva di e ciudad.

Aruba Bank huntu cu Mastercard ta extende nan palabra di felicitacion na Sr. Andric Kock. E campaña "Your card, your pathway" ta un ehempel di e compromiso di e banco pa recompensa su fiel

clientenan. Door di ofrece incentivanan atractivo, Aruba Bank ta sigui crea conexion significativa cu su clientenan.

Aruba Bank tambe ta extende felisitacion na tur otro ganadonan di e campaña "Your card, Your Pathway". Un total di 732 cliente a ricibi tarhetanan Mastercard prepaga door cu nan a yega nan metanan cu exito. Aruba Bank kier a gradici tur esnan cu a participa na e campaña aki.



MINISTER ENDY CROES A REUNI CU SRA. SORAYA BENCHIKH

Siman pasa, Minister Endy Croes hunto cu Sra. Alexandra Tromp - Vrolijk a reuni cu Sra. Soraya Benchikh, kende ta ingeniero civil y tin un pasion enorme pa enseñansa. Sra. Benchikh ta di Algeria y a biba na, entre otro, Francia y Montreal Canada. Na Algeria, Sra. Benchikh a lanta su propio scol pa yuda educa primordialmente e muchanan cu ta den mas necesidad y cu tin problema social.

Na Francia, Soraya a traha cu diferente grupo pa atende cu e adolescentenan cu tin problemanan social. Sra. Soraya tin 22 aña eherciendo e trabou aki cu hopi amor na diferente parti di mundo.

Sra. Benchikh tin algun luna na Aruba y ta asina apasiona cu nos pais cu el a cumpra un cas aki. Durante e encuentro, Sra. Soraya a expresa cu e ta desea di mira den ki forma e por contribui y comparti su experticio cu nos comunidad. Mandatario di Enseñansa a tuma tur informacion di e bunita carera aki y a pone den contacto cu algun scol cu lo por bira un oportunidad pa haci colaboracion cu ne. Pa conclui, Minister Endy Croes a indica cu e tabata un bon reunion.

Dentro di poco Sra. Benchikh lo regresa Algeria y pa memey di aña el lo ta bek na Aruba y ta desea di establece un scol pronto na nos pais.



POLIS CU CONTROL RIGUROSO A PARA MOTOCICLISTA CU PASAHERO NIUN DI 2 TABATA TIN HELM



Diasabra atardi manera a ser menciona multiple di biaha cu polis lo tene control riba caminda durante paradanan, pero parce e hoben aki a hay'e den un maltrip unda e mucha muher cu tabata cun'e no por a sigi trip cun'e ya cu ta un helm so e tabata tin.

Career Opportunities

Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:

DOCUMENTATION & SCANNING CLERK

The Documentation & Scanning Clerk is responsible for the overall coordination of activities of the Optical Document Imaging (scanning), of the filing and maintaining the completeness of the account documentation file and ensure accurate preparation and retrieval of documents in accordance with prescribed procedures and instructions while maintaining a proper administration.

The Documentation & Scanning Clerk has the ability to maintain a high level of discretion when dealing with sensitive/confidential information and ability to establish priorities, to organize, plan and execute workloads independently.

Professional requirements:

- Secondary Education
- Previous experience in a similar position requiring maintenance of proper administration is preferred.

Candidate Profile:

- Communication skills including fluency in English, Dutch & Papiamentu writing and speech.
- Expert PC skills using common software tools to access and communicate within the Bank (Word, Outlook, Excel).
- Ability to handle all matters in a confidential and professional manner.
- Punctual, self-motivated and a team player.
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by February 21, 2024.

TURISTANAN A DRENTA LAMA DI BOCA MAHOS Y A HAYA NAN MES DEN PROBLEMA Y A HERIDA NAN MES



Diasabra atardi a drenta informe di cu tin algun turista cu lo a drenta bay landa den Boca Mahos y a haya nan mes den problema y mester asistencia di ambulans. Mesora a dirigi tanto polis

como ambulans na e sitio. Na yegada di patruya a bin compronde cu a lo menos 5 persona cu a resulta herida saliendo for di e lama bruto eyan. Ambulans tambe a yega mesora y a brinda asistencia na e


5 victimanan cu a haya varios rasca y golpi riba nan curpa den e lama bruto ey. E personal di e ambulansnan cu a atende nan a transporta nan tambe pa hospital.

TOYOTA YARIS A BIRA DILANTI UN OPEL ASTRA CAUSA UN ACCIDENTE UNDA PERSONA A KEDA KEDA Y PEGA DEN AUTO



Diabierna atardi a drenta informe di un accidente cu hende herida y pega den auto na e crusada di Sero Pita, mesora a dirigi tanto polis, ambulans y e equipo di rescate di bombero. Na yegada di e patruya a bin compronde cu aki ta trata di un accidente unda cu e Toyota Yaris a bira dilanti e

Opel Astra y a bay dal den dje. Un persona masculino a resulta herida y na yegada di e ambulans a nota cu e ta pega y a cuminsa atende mientras na yegada di e equipo di rescate a haci e trabaonan pa habri e auto pa saca e victima pa asina por a atende mihor y hib'e pa hospital.



Prome Minister Evelyn Wever-Croes:

DESPUES DI DOS AÑA, UN BIAHA MAS LO CELEBRA DIA INTERNACIONAL DI HENDE MUHE DEN GRANDI

"Ta importante riba Dia Internacional di Hendu Muhe, pa para keto un rato y wak con hopi e ser femenino a progresa, pero tambe con hopi falta pa por logra tur loke mester logra" ORANJESTAD - Dia 8 di Maart proximo, ta Dia Internacional di Hendu Muhe. Un dia importante, un dia cu internacionalmente Nacionnan Uni a decreta como dia di hendu muhe, pa para keto na e posicion di hendu muhe rond mundo.

Prome Minister Evelyn Wever-Croes a expresa cu ainda por sinti e diferencia den hendu homber y hendu muhe, y ainda tin paisnan cu tin diferencia den derecho pa hendu homber y hendu muhe. Esaki sigur por a wordo nota mas ainda durante e pandemia, na unda por a nota, cu ta e hendu muhenan mas tanto a sacrifica pa keda cas ora e muchanan no tabata tin scol, of nan mester a cambia di trabou, y/of traha menos ora.

Prome Minister a splica cu na Aruba tin hopi hendu

muhe cu a progresa, y por nota tambe, cu hopi posicion clave ta wordo ocupa pa un ser femenino. Apesar di esaki, aunke no tanto visibel, ainda tin diferencia entre e ser femenino y masculino, specialmente na salaris y trato. Tambe, por nota e diferencia den posicionnan di liderazgo di pais Aruba, na unda cu den un total di 8 minister, tin dos cu ta femenino (25%), y den Parlamento, di 21 Parlamentario, tin 8 hendu muhe (38%). E porcentahenan abou aki, sigur tin un efecto riba decisionnan, na unda ta importante pa tuma na cuenta e necesidad y deseonan di hendu muhe, cu mester wordo tuma. Si Aruba ta desea pa tene na cuenta e deseonan di hendu muhe ora di tuma decision, ta importante pa hendu muhe ta na mesa como parti di e esnan cu ta tuma e decisionnan.

"P'esey ta importante pa riba Dia Internacional di Hendu Muhe, para keto un rato y wak con hopi e ser femenino a progresa, pero tambe con hopi falta pa



por logra tur loke mester logra", Prome Minister a expresa.

Prome Minister a indica, cu pa logra haya hendu muhe yega na mesa di decision, lo mester inverti, pa asina yega na un punto, cu ora un hendu muhe den posicion clave retira, ya caba tin un fila di hendu muhe, cla pa asumi e posicion. Esaki sigur ta importante pa mundo por ta mas exitoso, y pa tin un desaroyo duradero. Cu esaki, mundo lo por sigura cu awor y den futuro, e bos di hendu muhe lo sigui wordo scucha.


"E aña aki, nos ta para keto na e fecha di 8 di Maart un

biaha mas, y nos lo celebree aña aki den grandi, mescos cu aña 2020, prome cu pandemia. Na 2020, a organisa un conferencia grandi na Renaissance, na unda a invita tur hendu muhe gratuitamente pa bin celebra hunto e dia importante aki. E aña aki, un biaha mas nos ta extende un invitacion na tur e sernan femenino pa hunto nos celebra Dia Internacional di Hendu Muhe. E evento aki lo ta dia 8 di Maart, di 8 am - 12 pm, y entrada lo ta gratis. Pa tur esnan interesa, lo mester registra y e link di registracion lo wordo publica durante e siman benidero. Por cuminsa

reserva e fecha, pa asisti na un mainta yena cu celebracion di nos como hendu muhe. Un mainta di analisis y reflexion di unda nos ta para awe, y unda nos kier yega. E tema di e aña aki ta Inspira Inclusion di Hendu Muhe. Nos ta haciendo un encuesta, di con hopi e hendu muhe ta sinti su mes inclui aworaki, pa asina wak di e perspectiva di hendu muhe y homber, kico mas mester wordo haci. E resultadonan lo wordo comparti durante e conferencia. Cu e informacion aki, nos lo celebra, refleha, y prepara kico mester wordo haci aki na Aruba", Prome Minister a expresa.

ACCIDENTE ORA A HACI CAMBIO NA ULTIMO MOMENTO RIBA ROTONDE LAS AMERICAS

Diabierna a drenta informe di un accidente na rotonde Las Americas, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente unda un maniobra di ultimo momento y a dal den otro. Afortunadamente ningun hendu a resulta herida.



Prome Minister Evelyn Wever-Croes: DEN GRAN FORMA ARUBA A CULMINA E CELEBRACION DI CARNAVAL 70



riba un carnaval bunita y pueblo di Aruba por ta orguyoso di dj'e. Cu 4235 participante y mas di 800 boluntario, a percura pa un espectaculo di marca mayor. Aruba a duna un tributo na e celebracion di e 70 aña di carnaval cu un explosion di beyesa, creatividad y color y Aruba y mundo henter a goza di un parada luhoso yena cu ambiente.



Prome Minister a expresa palabranan di gratitud na tur carnavalista, lider di grupo, boluntario, musico y tur persona cu a aporta pa haci e carnaval exitoso. Tambe Prome Minister a gradici SMAC, KPA, Brandweer, Serlimar, DOW, CMO y Rode Kruis cu a percura pa e hospital riba e ruta, y tur otro instancia cu a yuda cu nos Carnaval 70.



Durante e conferencia di prensa di Gobierno di Aruba diamars 13 di februari, Prome Minister Evelyn Wever-Croes a felicita Aruba henter cu e celebracion di Carnaval 70.

“Mi ta gradici tur persona cu di un of otro manera a yuda y traha duro pa engrandece nos Carnaval 70”, Prome Minister a expresa. Aruba por mira atras

“Pabien Aruba cu un bunita celebracion di 70 aña di carnaval. Awor nos ta sigui cu e mesun entusiasmo, creatividad y positivismo pa nos hiba nos pais padilanti. Aña 2024 ta e aña cu nos ta bay mira e prosperidad yega na e punto cu e lo estabilisa y



yega den cada hogar. Esaki ta e meta y compromiso di Gabinete Wever-Croes II y nos ta trahando duro pa cumpli cu n'e. Tambe nos ta conta cu e esfuerso

di cada ciudadano, pa nan sigui traha duro pa hiba nan famia padilanti y asina ta hiba Aruba padilanti”, Prome Minister a finalisa bisando.

UN TREMENDO TEAMPLAYER CU'N ENORME COMPRENSION PA PASHENT Y COLEGA

Mary Jane Tromp ta HOH su prome empleado di luna pa 2024



Mary Jane Tromp no a sospecha nada ora ela drenta pa un supuesto reunion den e sala di reunion na clinica di urologia. Asina cu ela drenta y a mira su famia, dokternan y su coleganan presente e no tabata sa ki pa pensa. Pues, ela keda masha sorprendi y

hopi contento di tende cu ela wordo nomina pa ta e empleado di luna di januari 2024. Un gran sorpresa di tende for di presidente di Hunta di Directiva Jacco Vroegop mes, cu nan ta masha agradecido y contento pa tur e trabou cu e ta eherce. Tur luna Horacio

Oduber Hospital (HOH) ta reconoce un colega cu a resalta y Mary Jan Tromp cu ta secretaria medico na clinica di pulmon a sali como prome empleado di luna di e aña aki.

Pa tur su colega Mary Jane semper t'ey cla y dispuesto pa yuda cualkier caminda cu tin escasez di personal no ta importa cua di e clinicanan di hospital. Ademá, e ta involucra den diferente comision entro otro Hospital Carnival Group y 'staff appreciation week'.

Dokter di pulmon Allan Steward ta sumamente contento cu Mary Jane su trabou y ta conta cu "E ta excelente den traha rooster y den organisa y regla hasta asuntonan compleho pa pashent. Y si tin mester e por regla diferente cos den corto tempo pasobra e ta hopi bon den ehecuta diferente tarea pareu. Mary Jane tin

un bon comunicacion cu tur dokter, colega y tambe pashent unda cu su follow-up nunca falta. Banda di esaki nan tin un tremendo cooperacion cu Bonaire pe pashentnan di oncologia cu ta bin Aruba unda cu Mary Jane ta conoci pa ta e intermediario dunando sosten na tanto e pashent como su famia."

Loke ta resalta di dje ta su comprension pa pashent pero tambe pa colega. Manera e mes ta bisa "mi ta purba di pone mi mes den nan sapato." E ta un persona cu por yega facil na dje, cu ta duna guia unda cu e por y cu tin un actitud enfoka riba resolve problema.

Mary Jane ta un colega profesional cu tur hende ripara gusta su trabou. E ta yega semper na ora, tin bon humor y ta amabel cu tur hende. Su actitud positivo hasta e ta transmiti pa su coleganan

y pashentnan asina duna briya na nan dia. Ademá e ta tuma iniciativa pa asisti na proyectonan y actualmente ta lider di e proyecto pa e 'tool' digital Notiz pe policlinicanan y ta presidente di tanto e comision di actividad como e team di calidad pe policlinicanan.

Y no por falta di menciona cu Mary Jane ta reemplasa emanager di policlinicanan durante su ausencia. Pues e por ehecuta tareanan cu normalmente no ta den su funcion como secretaria y esaki sigur tin un balor grandi pe organisacion.

Mary Jane a demostra di ta un tremendo ehempel pe organisacion. Hunta di Directiva, management y coleganan ta orguyoso di tin Mary Jane den e team y ta hopi agradecido pa tur e trabou cu e ta eherce. Pabien Mary Jane cu e reconocimiento bon mereci!

FORTALEZA PA FAMIA

Scirbi pa Pastor Marcel Balootje.

E MIRADA DI DIOS RIBA

NOS BIDA

Complace cu hende y lubida riba Dios ta masha facil, tene hende contento y pone palabra di Dios un banda ta sosode tur caminda. Apoya maldad y lubida temor di di Dios ta wega, pero hopi hende ta lubida cu Dios ta mira tur cos, hasta e cosnan cu hende ta kere ta scondi.

Ta masha netji pa nos ta preocupa pa keda bon cu hende, pero con nos ta para cu Dios, pasobra Dios no ta wak apariencia, Dios ta wak curason, Dios no tin cuenta cu rasa, color of cabey, of bon bisti, of mal bisti, pero ta nos curason ta identifica nos dilanti di Dios.

Agrada hende ta un placer, pero agrada Dios ta un deber, pa un hende sigi Señor e mester nenga su mes hisa su crus y sigi Señor.

Awor no ta tur hende cu kier sigi Señor kier nenga nan mes, pesey bo ta haña hopi ta cana den dos caminda, un rato cu Dios, y un rato den e mundo, y hopi biaha tipo di bida asina ta manera un kelder den santana cu pafo ta muestra bunita, blanco di verf, of fura tur na marmer, pero paden ta yen di weso putri. (Mateo 23:28), Asina boso tambe di pafo ta parce husto na hende, ma di paden boso ta yen di hipocresia y inikidad.

Nos tur a wordo crea den imagen y semehansa di Señor esey ta nifica cu nos

tur por ta un instrumento di honor den man di Señor. Pasobra serca Señor no tin ser humano di segunda clase y e unico cos cu ta separa nos for di Dios ta pica, pesey e palabra di Dios ta siña nos den 1 Juan 1:9 bisando; Si nos confesa nos picanan, Dios ta fiel y husto di perdona nos, nos picanan y libra nos di tur inhusticia.

Pa nos nenga nos mes, nos tin stop di haci e cosnan cu nos sa cu ta complace cu nos carni, pero no ta agrada Dios.

Y e crus cu nos tin di hisa ta nos deber di sirbi Dios y tambe ta deber di ta responsabel pa nos famia.

Ora nos carni ta bisa nos pa:

Bebe, droga, parandia, adultera, inmoralidad, abominacion, pleita, violencia, rabia, odio, falta di pordon, abuso, abandono di hogar, amargura etc.

Nos deber cu Dios y nos Famia ta bisa nos;

Cuida bo cas, Stima bo esposa/esposo, Stima bo yuinan, Paga bo huur, Bo utilidadnan y no bay gamble

e placa. Bo no por tin mas muher hunto cu bo casa, No sinta bebe tur bo placa cu amigonan y laga bo yuinan sin cuminda y den scuridad.

Ora bo nenga bo mes y cohe bo crus y sigi Cristo Hesus, tur hende lo conoce bo na bo frutanan,

pasobra e lus di Dios lo ta riba bo constantemente, y den tur locual cu bo haci lo bo mira progreso.

Isaias 43:4 : Pasobra bo ta precioso den Mi bista, pasobra bo ta honra, y Mi ta stimabo.

Ta masha importante ora nos ta biba pa Dios, ora nos tin Cristo Hesus na prome lugar den nos bida, hogar y famia, pasobra E ta nos defensa, nos pronto auxilio, den tur tempo.

Laga e pas di Cristo gobierna den boso curason. Laga e palabra di Cristo biba ricamente den boso, cu

tur sabiduria. Y tur loke boso haci di palabra of cu hecho, haci tur den e nomber di Señor Hesus, dunando gradicimento door di dj'E na Dios e tata. (Colosensenan 3:15-17) Abstene di tur forma di maldad. (1 Thesalonisensenan 5:22).

Mantene temor di Dios. Sinceramente, Pastor Marcel Balootje.



ORACION DI DIA



Un feliz dia yena di bendicion, amor y paz di Señor.

'Si un hende ta hay'e tenta pa prueba, e no mester bisa: 'Ta Dios mes ta haci pa mi cay den tentacion,' pasobra maldad no por tenta Dios, ni Dios mes no ta haci pa hende cay den tentacion!' (Hacobo 1,13)

Esaki ta pa kita tur duda cu ta Dios ta pone nos pasa den prueba.

Maldad no por tenta Dios, ni Dios mes no ta haci hende cay den tentacion. Pruebanan cu nos ta pasa aden ta nos mes ta responsabel p'esey. Ora constantemente nos tin un mal pensamiento y ta keda cu e

pensamento ey den nos mente, e ta pone nos cay den tentacion y ta pone cu nos ta bay na concebi e pica.

Prueba, nos tur ta pasa aden. Loke nos tin di haci ta di keda para firme no obstante kico nos ta of a pasa aden. Y ora nos supera e prueba, Dios tin nos recompensa pa nos.

Dios semper kier tur cos bon pa nos, Dios ta amor. Nos tin di libra nos mes for di mal pensamentonan y mal deseonan. Nos tin cu pidi Dios semper fortaleza y pa guia pa Spirito Santo, semper nos por bringa e mal pensamentonan.

Oracion: Dios Tata, yuda nos pa keda cu un mente positivo, pa no cay den tentacion. Laga pa medio di Cristo Hesus nos wordo guia pa Spirito

Santo pa por keda riba e bon caminda den nomber di Hesus. Amen.



Obituario



Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 AFI 400,00

Pa mas informashon por tuma contacto cu oficina na
585-9500 of na 741-4554

ARUBA A GANA E DI 10 TK5 NA SURINAM



For di aña pasa Taekwondo Team Aruba bou guia di Master Clifford Rasmijn y Master Yoshmar Wever a forma nan team cu a gana na Orlando pa despues sigui na Miami y den weekend a gana e Copa na Surinam.



Den e di 10 TK5 na Surinam a participa Aruba, Frans Guyana y varios scolnan di Surinam. Aruba a sali prome contra di Eric Lie Taekwondo y Aruba a gana esaki cu un score di 137 - 56.



Den final Aruba a topa cu Arthy Lie Taekwondo cu a gana for di Frans Guyana. Den e prome rond Aruba a sali determina y e final di e prome rond a caba cu un score di 76-27 pa Aruba. Den e di dos rond Aruba a avansa mas y a caba cu un score di 136 - 33 y a bay cu e copa.



Esaki ta e di 10 TK5 na Surinam y Aruba a gana esaki pa di 10 biaha consecutivo. Pabien na e team cu a representa Aruba den e di 10 TK5 na Surinam.



FAMIA PREOCUPA CU MAMA CU TIN PROBLEMA DI HALA ROSEA A BIRA MALO, PERO E MES NO TA DESEA ATENCION NI DI AMBULANS NI POLIS



Diasabra atardi un famia a bira preocupa ora cu e mama kende ya tin problema cu hala rosea y mester usa tanki oxigeno a bira mas malo, mesora

a dirigi tanto polis como ambulans na e sitio. Na yegada di e ambulans nan a papia cu e victima y a consehe pero e no ta desea ningun asistencia.

E personal di ambulans cu sa di e situacion a pidi pa manda polis. Pero cu polis mes e ta nenga atencion y a core cu nan.



DAMA TURISTA HULANDES EUROPEO A CORE DEN DIRECCION PROHIBI CAUSA ACCIDENTE DEN J.G. EMANSTRAAT



Diabierna atardi a drenta informe di un accidente banda di Watertoren na J.G. Emanstraat, mesora a

dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur turista hulandes europeo a sali for di Miraflorweg bira bay pabao den J.G. Emanstraat den direccion prohibi y un pick-up biniendo den Concessielaan tabata mira pabao wak si auto ta bini pero pa su sorpresa a dal den banda di e Hyundai i10 di e turista.

E daño tabata djies un rasca riba e warda lodo y afortunadamente ningun hende a resulta herida.

CHAUFFEUR STRANHERO CU ASILO PATA PATA BURACHI A SUBI RIBA E ROTONDE BOEGOEROEI CU AUTO



Diadomingo madruga a drenta informe di un accidente na e rotonde Boegoeroei, mesora a dirigi un patruya na e sitio. Na yegada di e patruya a bin compronde cu aki ta trata di un chauffeur stranhero cu asilo politico a pasa cu velocidad subi e rotonde. Ora polis a bay test e a bin resulta cu ela surpasa 4X e limiter permiti. Mesora polis a detene y a transporte pa warda di polis.

CLIENTE A PEGA SOÑO DEN BAR Y ORA ELA LANTA ELA RIPARA CU NAN A LOCK E DEN E LUGA




Diasabra mainta a dreña ta sera den un bar den informe di cu un persona Klipstraat y no por sali,

mesora a dirigi un patruya na e sitio. Na yegada di e patruya a bin compronde cu e compania di seguridad a purba yama e doño pa asina bin habri e porta p'e pero no ta logra haya contacto cun'e. Como cu e cliente tin cu bay traha awemainta 9'or a yama bombero pa bin corta e candal pa e persona por logra sali. Na yegada di bombero nan a corta 2



POLIS A BAY TRAS DI CHAUFFEUR DI PICK-UP TRUCK CORIENDO MALISIMO, A DETENE PASOBRA E TABATA BURACHI



Diasabra anochi durante patruya polisnan atento a nota e chauffeur di un pick-up truck coriendo malisimo na Tanki Flip, mesora nan a bira bay su tras pa par'e. Na altura di Ponton a logra par'e y a atende cun'e polis a nota di biaha cu e chauffeur ta burachi y a test e cual a resulta malo pa e chauffeur y a detene pa a core auto malo y bao influencia di alcohol.




8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
9						4		

					3		6	
2		5						
		3		9		7	2	
6			1		9			
		7				1		
			6		5			7
	5	2		6		9		
						5		3
	4		9					


POLISNAN A DETENE UN CHAUFFEUR BURACHI BANDA DI ROTONDE SERO BLANCO



Diadomingo anochi polis durante controlnan a topa cu un chauffeur basta burachi, pa e seguridad den trafico, su mesun seguridad y di otronan polis a detene y a bay warda cun'e.




CHAUFFEUR A HAYA UN BLACKOUT BAHAMANDA DAL PALO DI LUS KIBRA DESPUES BAY DAL DEN UN MATA



Diabierna a drenta informe di un accidente banda di ex-Drive Inn na Balashi, mesora a dirigi un patrulla na e sitio. Na yegada di e patrulla a bin compronde cu e chauffeur biniendo nort a haya manera un blackout y a baha caminda na man drechi dal palo di lus kibra sigi bay pega na un mata. E chauffeur milagrosamente a haya unicamente un rasca na su man y no tabata tin mester di atencion medico.



ACCIDENTE DI
CADENA CU
HENDE HERIDA NA
MORGENSTER



Diadomingo mainta a drenta informe di un accidente cu hende herida dilanti Feng Hing Supermarket, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di un taxi y a manda esaki bay dal tras di un otro auto. Den e accidente aki tin un adulto y un baby cu a resulta herida. Na yegada di e ambulans nan a atende e victima y a transporte pa hospital.

Dios a mira cu e tawata cansa ora no tawata tin cura mas, ela pone su brasanan rond di dje y bisa bin serca mi y dune sosiego.

“Bou di alanan di Dios mi ta sigur” Salmo 91



Cornelie Petra Henriquez

mihor conoci como Cornelia of ”Zuster Henriquez”

*16-05-1940-†10-02-2024

Na number di su ruman: Ana Van Ierland Henriquez
Subrino y subrinanan : Isa Henriquez, Juan 'Juni' Henriquez, Daphne Henriquez, Maureen Van Ierland, Monique y Pablo Plaza, Gwendy Raaz y Mario, Etienne y Uly Maduro, Laureenne Raaz y Anthony
Manera nieto y nietanan: Donovan y Cindy, Juelaima y Jose Andres, Eliandra, Zabdi, Vashti,
Manera Bisanietanan: Jaylee, Azizah, Ara Mae ,Vivienne
Primanan y primonan: Juby Kwidama y famia, Corry Paesch y famia, Nito y Marian Paesch Boekhoudt y famia, Cathy Paesch y Hans Meijer y famia, Bea y Ramon Statia y famia, Adri y Iris Paesch y famia
Amiganan di cas: Erna Solognier y famia, Arilia De La Mare y famia, Carmen Robles y famia, Dita Matos, Yolanda Martes, Ena Bardouille , Bets
Ayudante di kas: Flora Galindo
Ex-colega y amiganan di dr. Horacio Oduber Hospitaal, amistadnan di Alambra Casino
Famianan: Henriquez, Van Ierland, Maduro, Plaza, Suriana, Alvarez, Kock, Chirinos, de Graaf, Paesch, Bislip, Kwidama Statia, Lambrinos, Reinkingh, Meijer, Castro, Solognier, Dorothal, Morel, Quant, Wever, Ponson, De Cuba , demas famianan y conocirnan na Aruba y Hulanda.

Oportunidad pa condolencia:

Diaranson 14 di Februari, 2024 for di 7:00-9:00 P.M. na Olive Tree Funeral Care & Crematory na Piedra Plat 27Z.

Acto di entierro lo tuma lugar Diahuebs 15 di Februari, 2024 for di 2:00 – 4:00 P.M. na Pro-Catedral San Francisco na Playa y despues ta sali pa Santana Catolico (zuid) na Oranjestad

Nos disculpa si den nos tristesa nos por a lubida un of mas famia.

UN PERSONA CU A BAY CARNAVAL A DAL COS ROBES YEGA TE NA ROOI AFO Y TABATA BULA DI CURA PA CURA



Diadomingo atardi a drenta informe di cu tin un persona bulando di cura pa cura na Rooi Afo, mesora a dirigi un patruyanan na e sitio. Na yegada di e patruyanan a logra captura e persona aki y a descubri cu e persona aki cu lo a bay carnaval pero a dal un cos robes ey y a yega te na Rooi Afo unda e tabata comporta su mes raro. Pa su mesun bon polis a dicidi pa hib'e su cas pa e bay descansa.

POLIS A PERSIGUI Y DETENE CHAUFFEUR CU NO A SIGI INSTRUCCION PA PARA NA ROTONDE BANDA DI F.T.A.



POLIS A CORE CU CHAUFFEUR CU TA TOCA MUSICA DURO DEN SU AUTO NA DOMINICANESSENSTRAAT



Diasabra merdia a drenta informe di cu tin un chauffeur cu a para su auto dilanti La Silla 2 den Dominicanessenstraat y a dal e parti patras di su auto habri y "blaas su musica duro duro, mesora a dirigi un patruya na e sitio. Na yegada di e patruya a avisa e chauffeur 2 opcion e ta move di e sitio of ta confisca e vehiculo y ta detene pa desordo riba caminda publico. E chauffeur a tuma un bon desicion di para e musica y bandona e sitio.



Diasabra atardi polisnan na altura di e rotonde banda di F.T.A. a nota un auto Nissan Almera blanco sospechoso y a dun'e señal pa para pero e no a haci caso y a sigi cor'e. Ey a start un persecucion unda polis a logra par'e toch banda di J.R. Autocenter na Cura Cabay. Eynan polis a sak'e for di auto boei e y pidi pa e vehiculo di transporte bin busk'e y a confisca e vehiculo tambe.



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad iona.

